



故宮珍本叢刊

戶部海運新案·海運續案

故宮博物院編 海南出版社

故宮珍本叢刊第 322 冊清代則例

故宮博物院編

戶部海運新案 海運續案

海南出版社

新學
社
PDG

圖書在版編目(CIP)數據

欽定國子監志/(清)李宗昉等修. —影印本. —海口:海南出版社, 2000. 6
(故宮珍本叢刊)

本書與“欽定宗人府則例/(清)宗人府纂”等 55 種書合訂

ISBN 7-80645-666-X

I. 欽… II. 李… III. 法規—彙編—中國—清代 IV. Z121.7

中國版本圖書館 CIP 數據核字(1999)第 68754 號

故宮珍本叢刊第 322 冊

清代則例

戶部海運新案·海運續案

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:36.25 印數:1-400 冊

ISBN 7-80645-666-X/Z·15

定價:10760 元(清代則例 56 種共 66 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

卷一

諭旨 章奏

卷二

諭旨 章奏

卷三

諭旨 章奏

卷四

本部咨文及接收咨呈

卷五

本部咨文及接收咨呈

卷六

本部咨文及接收咨呈

卷七

米冊

卷八

頭二批船冊

卷九

差次咨劄

卷十

差次接收詳稟咨呈

戶部謹

奏為江南歲漕緩缺較多請由該省籌補並請

飭禁捏報災荒以重倉儲以肅漕政事臣等伏查近屆十

年以來歲運額漕逐年短少內江南一省江安蘇松

兩糧道所屬緩缺尤多現在兩江總督等又以江蘇

省本年被災地漕銀米懇

恩蠲緩至五十餘州縣之多來歲運通漕糧自必益形短

絀查京倉支放俸甲各款歲需漕糧三百數十萬石

覈計各倉現存糧數僅可放至明年新漕抵通之時

明年漕糧計需四百萬石至少亦須三百七八十萬

卷一

一

石實建京倉方足以資周轉似此緩缺糧數過多將

來運通必有不敷支放之虞前據御史朱昌頤奏稱

州縣豐收轉請展緩皆以費用繁重之故通計蘇松

常太幫費合銀一百數十萬杭嘉湖幫費六十七萬

更有刁猾串通胥吏捏報災分地方官恐其滋事不

得不預請展緩果如該御史所奏因規費重而兌運

難因兌運難而蠲緩多是該省之短絀額漕非盡由

於災歉亦由兌費繁重辦理艱難積習相沿幾若舍

此別無辦法然京倉積貯支放均有定額關繫匪輕

該督撫等雖為體恤地方起見亦不得置

畿輔倉貯於不問亟應安思善策以期足額運京臣等湖查道光六年因滯漕盤壩需用孔多招募商船試行海運彼時辦理頗著成效現當整頓漕務清釐幫費之時可否請

旨勅下兩江總督江蘇巡撫通盤籌畫於漕務倉儲必期兩有裨益如可仿照前屆章程確有把握統覈漕糧實數每歲酌分幾成改由海運既於漕務繁費大有節省該州縣等亦不致藉此捏報災荒致虧倉貯此外如有可以實裁幫費籌補額漕之策亦令該督撫等悉心籌畫迅速奏明請

卷一

二

旨遵辦毋得任聽額漕短絀不思籌補至現奉

恩旨蠲緩地漕尚未據該督等咨報應蠲應緩數目務宜確實查覈毋任州縣捏增災歉分數貽誤倉儲其南米兵米如有災缺例應碾動常平倉穀或備價於附近豐收地面採買嗣後均應照此辦理不得率請截留漕糧致缺京倉放款臣等為籌補緩缺額漕起見謹繕摺密陳伏乞

皇上訓示遵行謹

奏請

旨

兩江總督臣李星沅江蘇巡撫臣陸建瀛跪奏為憑陳江蘇漕務困敝短絀情形遵

旨籌議河海並運恭摺會奏仰祈聖鑒事竊照道光二十六年十二月初三日奉准廷寄奉

上諭漕糧為天庾正供攸攸賴每歲京倉應放俸米甲米各項共需漕糧三百數十萬石近年以來各省歲運額漕逐年短少江南一省江安蘇松兩糧道所屬緩缺尤多似此有減無增年復一年伊於胡底朕軫恤民隱凡各省奏請蠲緩無不立沛恩施江南地方本年懇請

卷一

三

蠲緩者竟至五十餘州縣之多或因辦理漕務冗費繁重藉此為體恤地方之計因思海運章程道光六年辦有成案現當整頓漕務清釐幫費之時著該督撫通盤籌畫如可仿照前章確有把握即統覈漕糧實數每歲酌分幾成改由海運於道光二十八年為始庶漕費可以節省而州縣亦不至藉此捏報災荒致虧倉貯該督撫等悉心籌度迅速奏明請旨遵辦不得稍存畏難之見任聽漕糧缺額置國用於罔顧毫無籌措等因欽此當經前督撫臣恭錄移行並附片覆陳通盤籌畫總期確有把握另行具

奏在案伏查江蘇漕糧情形江北與江南不同即江南之常鎮等府亦與蘇松太等處不同即如蘇松糧道所屬四府一州漕額共有一百六十餘萬石之多從前銀價平減小民竭蹶趨公每年正供米石不致短絀所欠不過未完漕尾各州縣尚可殫力催徵近年銀價增昂每兩值錢二十餘文辦漕浮費又復有增無減民間完米一石比較道光初年已不啻完米二石又值災歉頻仍幾於無歲不緩無縣不緩以致京倉支絀上座

宸衷疊奉

卷一

四

嚴旨力除弊竇糧戶則示以均平旗丁則杜其勒索臣等恭讀之餘自愧覲顏悚惶無地屢飭兩藩司嚴督各屬實力整頓於辦理災緩一端尤為弊竇所叢集或以輕報重或以少報多或註緩上則而徵下則或註荒紳戶而徵小戶甚或書役串通包攬侵蝕推其致弊之由誠如

聖明洞鑒因漕務冗費繁重藉此為體恤之計而年復一年幾如成例若不力為肅除何以裕倉儲而恤民隱當將積習弊端通飭各屬不准妄報災歉如實有旱潦較重者責成兩藩司親往查勘再由臣陸建瀛覆

勘覈辦總不許書吏高下其手就現在各屬稟報約收分數六七八分不等本年糧賦有收成豐稔可以帶徵者有收成中稔可辦全漕者如仍舊河運截長補短比較歷屆可期稍有起色以蘇松太三屬言之上年出運米六十三萬石本年約可增加不致如前短絀之甚然力竭精疲總難全額仰蒙

聖主指示周詳

敕令統覈漕糧全數酌分幾成海運洵為裕

國恤民之至計臣等欽感莫名何敢漫無籌措任聽短

少茲與各司道悉心體察江徐淮揚以及常鎮等府

卷一

五

州賦額稍輕尚可勉強支持自應仍由河運如將蘇松太二府一州漕白糧米改由海運以各州縣津貼旗丁之費作為籌補可得米三十餘萬石如全漕均由河運僅將蘇松太及常州府白糧改由海運其節省津貼旗丁之費亦可籌補米十萬餘石惟海運人所共疑或以風濤為慮或以盜賊為虞或以水手安頓為艱難或以天津交兌為不易論各不同亦皆為慎重

天庾起見臣等受

恩最深責任最重惟有殫竭血誠以冀上實京倉下紓民

力萬不敢意存畏難因壹廢食謹將本年收成約計

出運米石比上年增加情形及劃出蘇松太等處漕

白糧海運或專運白糧設法籌補之處恭摺會奏請

旨遵辦伏乞

皇上聖鑒訓示再漕臣楊殿邦尚未旋准不及會銜合併

陳明謹

奏道光二十七年九月二十四日奉

硃批軍機大臣會同該部議奏欽此

卷一

六

奏為遵

旨會議具奏仰祈

聖鑒事兩江總督李星沅江蘇巡撫陸建瀛奏籌議江蘇

額漕河海並運一摺道光二十七年九月二十四日

奉

硃批軍機大臣會同該部議奏欽此據該督撫等原奏內

稱竊照道光二十六年十二月初三日承准

廷寄奉

上諭漕糧為天庾正供支放攸賴每歲京倉應放俸米甲

卷一

七

米各項共需漕糧三百數十萬石近年以來各省歲運

額漕逐年短少江南一省江安蘇松兩糧道所屬緩缺

尤多似此有減無增年復一年伊於胡底朕軫恤民隱

凡各省奏請蠲緩無不立沛恩施江南地方本年懇請

蠲緩者竟至五十餘州縣之多或因辦理漕務冗費繁

重藉此為體恤地方之計因思海運章程道光六年辦

有成案現當整頓漕務清釐幫費之時著該督撫通盤

籌畫如可仿照前章確有把握即統覈漕糧實數每歲

酌分幾成改由海運於道光二十八年為始庶漕費可

以節省而州縣亦不至藉此捏報災荒致虧倉貯該督

大學士穆彰阿等謹

撫等悉心籌度迅速奏明請旨遵辦不得稍存畏難之見任聽漕糧缺額置國用於罔顧毫無籌措等因欽此當經前督撫臣恭錄移行並附片覆陳通盤籌畫總期確有把握另行具奏在案伏查江蘇漕糧情形江北與江南不同即江南之常鎮等府亦與蘇松太等處不同即如蘇松糧道所屬四府一州漕額共有一百六十餘萬石之多從前銀價平減小民竭蹶趨公每年正供米石不致短絀所欠不過未完漕尾各州縣尚可彈力催徵近年銀價增昂每兩值錢二千餘文辦漕浮費又復有增無減民間完米一石比較道光初年已不啻完米二石又值災歉頻仍幾於無歲不緩無縣不緩以致京倉支絀上厓

卷一

八

宸衷疊奉

嚴旨力除弊竇糧戶則示以均平旗丁則杜其勒索臣等恭讀之餘自愧覲顏悚惶無地屢飭兩藩司嚴督各屬實力整頓於辦理災緩一端尤為弊竇所叢集或以輕報重或以少報多或註緩上則而徵下則或註荒紳戶而徵小戶甚或書役串通包攬侵蝕推其致弊之由誠如

聖明洞鑒因漕務冗費繁重藉此為體恤之計而年復一

年幾如成例若不力為湔除何以裕倉儲而恤民隱當將積習弊端通飭各屬不准妄報災歉如實有旱潦較重者責成兩藩司親往查勘再由臣陸建瀛復勘覈辦總不許書吏高下其手就現在各屬稟報約收分數六七八分不等本年糧賦有收成豐稔可以帶徵者有收成中稔可辦全漕者如仍舊河運截長補短比較歷屆可期稍有起色以蘇松太三屬言之上年出運米六十三萬石本年約可增加不致如前短絀之甚然力竭精疲總難全額仰蒙

聖主指示周詳

卷一

九

勅令統覈漕糧全數酌分幾成海運洵為裕國恤民之至計臣等欽感莫名何敢漫無籌措任聽短少茲與各司道悉心體察江徐淮揚以及常鎮等府州賦額稍輕尚可勉強支持自應仍由河運如將蘇松太二府一州漕白糧米改由海運以各州縣津貼旗丁之費作為籌補可得米三十餘萬石如全漕均由河運僅將蘇松太及常州府白糧改由海運其節省津貼旗丁之費亦可籌補米十萬餘石惟海運人所共疑或以風濤為慮或以盜賊為虞或以水手安頓為艱難或以天津交兌為不易論各不同亦皆為

慎重

天庾起見臣等受

恩最深責任最重惟有殫竭血誠以冀上實京倉下紓民
力萬不敢意存畏難因噎廢食謹將本年收成約計
出運米石比上年增加情形及劃出蘇松太等處漕
白糧海運或專運白糧設法籌補之處恭摺會奏請
旨遵辦等語

臣

等伏查道光六年因滯漕盤壩需用
孔多招募商船試行海運規模具在勒有成書今江
蘇省緣兌費難於盡革援照舊章分成海運以期減
費裕漕據該督撫等合詞奏稱該省本年應徵漕糧

卷二

十

如將蘇松太二府一州漕白糧米改由海運較河運
可多籌補米三十餘萬石若仍舊河運比較上年約
可加增力竭精疲總難全額等語是該督撫等察看
該省兌運情形海運而外別無減費裕漕良法應如
所奏除江徐淮揚常鎮等府仍由河運外其蘇松太
二府一州漕白糧米准其改由海運惟查蘇松太三
屬額徵漕糧白糧共計正耗米一百十餘萬石既經
改用沙船無需幫費自應將額徵帶徵之米全數起
運本無虧額之事即不必另立籌補之名該督撫等
務宜嚴加防範督飭該州縣按則徵收兌運毋許例

外浮科稍滋流弊此項漕糧例應兌交乾圓潔淨一
律粳米白糧一項尤宜乾潔均非捐輸米石可比若
有柔嫩及秈米攙雜臨時駁換則往返耽延就進
倉則不堪久貯應請

勅下該督撫等嚴飭承辦各員兌交一色乾圓潔淨之米
不准少有色質柔嫩秈秠攙雜致令抵津交收掣肘
沙船兌開雖無例定期限第查道光六年海運成案
據前撫臣陶澍奏報截至二月二十一日止兌過正
耗米一百十餘萬石適與現辦蘇松太額漕數目相
符應飭該督撫查照舊章於二月內全數兌清放洋

卷二

十一

北上俾得於河運南糧未到之先早為歲事庶通壩
便於起卸撥船易於輪轉是為至要一俟沙船兌裝
出口該督撫即行查明由驛馳奏仍先期咨報戶部
查覈此外如江蘇奏派武職大員護送揀派道府赴
津交米直隸派委道員駐津總辦倉場揀派坐糧廳
酌帶經紀斛收戶部奏請

欽派

大臣一人倉場侍郎一人赴津查驗以及直隸豫備
撥船江蘇籌辦經費並上海受兌沿海會哨酌獎運
商量恤減船一切事宜均有道光六年成案可仿如
蒙

俞允即由戶部咨行統按舊章一體遵照辦理至風濤盜賊原難保其必無惟查道光六年海運米一百六十餘萬石間有鬆船拋失耗米為數共止八百餘石不及全運米千分之一全在地方大吏督飭所屬實力巡防妥籌保護誠如原奏所稱不能因噎廢食應請勅下該督撫詳考成法參酌時宜先事豫籌務臻妥速其照舊河運之江徐淮揚常鎮等屬仍飭實力催徵嚴行考察以肅漕政而裕倉儲謹將臣等會議緣由恭摺具奏伏乞

皇上聖鑒訓示此摺係戶部主稿合併聲明謹

奏請

卷一

三

旨道光二十七年十月十三日具奏本日奉

上諭前據李星沅等奏籌議江蘇額漕河海並運當交軍機大臣會同該部議奏茲據查議會奏所有道光二十八年蘇州松江太倉二府一州漕白糧米准其改由海運其漕糧米石務令兌交一色乾潔稜米不准稍有攙雜白糧一項亦宜普律乾潔著該督撫等嚴飭所屬按則徵收認真盤驗毋得稍滋流弊至海運尤宜實力巡防妥籌保護並著該督撫詳考成案參酌時宜務籌妥善其照舊河運等屬仍著實力催徵以肅漕政另片奏

蘇州松江太倉三屬漕船未便連年全行減歇等語辦理全漕自當以河運為主嗣後如有酌量變通之處所屬漕船如何輪流減歇不致少有流弊並著該督撫等通盤豫籌妥議具奏餘依議欽此

卷一

三

奏再准揚道查文經前奉

李星沅等片

諭旨對調臣等極知河工緊要未敢另行差委祇緣海運

以江蘇為始事以天津為歸宿江蘇近在本省臣等

尚能隨時督飭天津則鞭長莫及必須諳練漕務廉

幹之員始克勝任是以商委該道赴津且該道

題請實授後例應引

見應俟在津交兌事竣即給咨就近赴部聽候辦理臣等

為因時制宜起見謹合詞附片陳明伏乞

皇上聖鑒謹

卷一

古

奏道光二十七年十一月二十六日內閣奉

上諭李星沅等奏請飭司道辦理海運事宜等語江蘇蘇

州松江太倉二府一州應徵道光二十七年漕白糧米

現議全由海運將來各船開行之時應須查看事件即

著臬司宮慕久馳往上海督辦至米船行抵天津一切

交兌事務著派淮揚道查文經赴天津認真辦理餘著

照所議行欽此

兩江總督臣李星沅江蘇巡撫臣陸建瀛跪

奏為蘇松太二府一州應徵道光二十七年漕白糧米

全由海運酌定辦理章程恭摺奏祈

聖鑒事竊臣等接准部咨欽奉

上諭前據李星沅等奏籌議江蘇額漕河海並運當交軍

機大臣會同該部議奏茲據查議會奏所有道光二十八

年蘇州松江太倉二府一州漕白糧米准其改由海運

其漕糧米石務令兌交一色乾潔稷米不准稍有攙雜

白糧一項亦宜普律乾潔著該督撫等嚴飭所屬按則

徵收認真盤驗毋得稍滋流弊至海運尤宜實力巡防

卷一

五

妥籌保護並著該督撫詳考成案參酌時宜務籌妥善

其照舊河運等屬仍著實力催徵以肅漕政另片奏蘇

州松江太倉三屬漕船未便連年全行減歇等語辦理

全漕自當以河運為主嗣後如有酌量變通之處所屬

漕船如何輪流減歇不致少有流弊並著該督撫等通

盤預籌妥議具奏餘依議欽此當經欽遵轉飭遵照辦

理去後臣等伏查江蘇漕務已成積疲當此窮則思

變之時亟應設法補救現在欽奉

諭旨將蘇松太二府一州漕白糧米改由海運實屬一時

權宜臣等敢不勉力惟漕糧正供與商米之陸續採

購捐米之先後兌交者原有不同應遵部議飭於來年二月內全數趕兌作為一次開行勿許參差至道光六年海運雖有成書第時事既殊情形亦異仰蒙指示周詳莫名欽服遵即督飭司道妥議章程臣等覆加酌覈謹先擬八條為我

皇上陳之

一海運事務繁難必須委用得人以專責成也查道光六年成案分別省垣上海天津之處各委司道大員主持其事而以守丞等員為之襄助以佐雜等員供支奔走此次自應照辦蘇藩司李德總司

卷一

六

錢糧擬委令統攬全局督同蘇州府知府桂超萬蘇海防同知何士祁等詳覈銀米冊籍嚴催各屬提早徵收趕依現准部限兌開其應交漕白運腳等項銀兩均不准稍有遲誤至緩徵帶徵料則出運正耗米數仍由該司會同糧道覈實辦理勿滋流弊臬司宮慕久熟悉上海情形已委令帶同候補知府洪玉珩前往該處會同上海道咸齡督飭府州曉諭商量雇備沙船停泊黃浦江一帶聽候裝運約計起運米數需船一千餘隻今據稟承攬者已有七百餘隻此後陸續進口船隻尚多似可

敷用糧道倪良燿專司蘇松等處糧儲擬委令查明回空軍船某幫應歸某項軍丁若干水手若干援照例案分別調劑資遣以示體恤其收兌米石尤為該道專責漕糧米色必須乾圓潔淨一律糙粳白糧更宜慎重均不准有舛米攪雜及柔嫩不潔等弊務於各屬開倉時親歷查驗一次復於上海交兌再加盤查以昭詳慎該道既承辦海運所有常鎮兩府漕白糧勢難兼顧應即飭令江安道帶運再天津交兌最為海運喫緊准揚道查文經由戶部司員出身歷任蘇州等府海陸道員兩署

卷一

七

江寧藩司漕務其所素諳勾稽實亦精密擬委令隨帶丞倅等員先期由陸路赴津管理交兌並會同直隸委員籌辦撥船一切事宜一銀米兩款均應籌補也查道光六年辦理海運米則動撥餘耗銀則支銷漕項今蘇松太二府一州近年多被歉收額徵不能及半本年經臣等督同藩司李德覈實稽查不准分毫捏飾比上年雖多增米二十萬餘石較之出運額漕尚缺三十萬石擬將贈五給丁餘耗等米全數交倉不足之數再提給丁漕贈等銀採買起運以足全漕之額至沙

船應給耗米水腳銀兩及天津撥價通壩雜費即由各州縣於向年津貼旗丁幫費籌補支用

一蘇松太停運糧船旗丁水手調劑資遣擬先由糧道墊款支發以期妥速也查道光六年辦理海運所有各幫糧船均停留黃河以北盤撥別省糧米旗丁既有領款水手亦可營生今全數挽歸水次未免更形拮据而水手聚集多人亦恐滋事已飭糧道將上次恤丁舊案參酌現在情形妥議章程先行籌款墊放仍由各州縣解還庶免遲誤其各幫渡江以後派委武職大員分段令各歸各項即

卷一

六

飭各州縣查明水手人數開造姓名住址清冊各給資遣銀兩押令即回本籍僅敢藉眾滋擾或盤踞不散即嚴拏究辦

一沿海巡哨必應更加周密也查道光六年海運洋面肅清有武職大員護送足資防範今江浙交界外洋間有盜劫之案若僅循照舊章尚恐未能周密擬仿照閩廣商船赴津貿易之例准令沙船各帶軍器俾資防護仍於入口時呈繳出口時給領以備稽查並由臣李星沅檢選武職中誠實勇敢之員親為護送上次派兵六百名擬加派四百名

共一千名以壯聲勢應給口糧由蘇省籌備直隸山東沿海各處應照案移咨一體加意防範

一沙船賠補宜示限制也查道光六年成案如係無故短米即令賠補僅驗有斫桅鬆艙情事

奏明豁免此次自應照辦惟商船八成載米二成載貨如在洋遭風豈有不棄貨物獨棄官糧之理設貨物並未拋棄雖驗明鬆艙屬實其短少米石擬仍勒令賠補以杜流弊

一天津撥價等項經費應令委員撙節支放也查道光六年海運江蘇解直動用之款不下二十餘萬

卷一

十九

兩維時年穀豐登蘇松常鎮等五屬運米一百六十餘萬石無煩設法籌補即銀價每兩亦祇合制錢一千二百四十五文是以支解一切尚屬游刃有余此次所運僅蘇松太三屬之米較前約少四十萬餘石而別肉補瘡業已精疲力竭兼之銀價增昂每兩較前計多制錢七百元不等籌措實非容易臣等詳稽成案如上圍露國北倉截卸等費彼時因分為兩運不得不先事議及後亦備而未用又如沙船進口雇緯等費本年辦理捐米即由江蘇給價該船戶自辦不須天津代雇以上三項

應從刪節至天津官撥民撥之雇價通倉經紀夫役之口食等項俱有例案可循應俟江蘇委員先期赴津與直隸委員按照起運米數通盤籌計方能覈定數目所有銀米各款絲毫不動

帑藏均出自向來津貼幫費項下必須撙節支放廣州

縣少解一分即民間少徵一分矣

一沙船所得耗米應令該船戶自行變賣也查道光六年海運各船戶在津呈明耗米三成已敷食用餘請收買曾經

奏明由戶部發銀二十萬兩收買餘米在案現在經費

卷一

二十

支絀自未便率請照辦擬先期曉諭該船戶等俟到津後如有餘米即行變賣不得摘舊呈請

一天津交兌之後應即責成經紀以期諸弊肅清也

查道光六年海運欽奉

諭旨海船押運到津經紀人等難免需索刁難軍機大臣

屆期奏請欽派一二員前往等因欽此現准部咨亦經

援案奏明直隸派委道員駐津總辦倉場揀派坐

糧廳酌帶經紀斛收戶部奏請

欽派大臣一人倉場侍郎一人赴津查驗在案已屬詳細

周密此次自應查照前案米到天津既經驗收之

後即與沙船無涉其由津運通之撥船中途有無侵耗滲漚責成該經紀承管以上各條臣等欽遵諭旨詳考成案參酌時宜悉心妥議意見相同謹臚列籲請

訓示遵辦其有未盡事宜再行隨時陳奏至照舊河運等

屬仍飭各州縣實力徵解其蘇州松江太倉三屬

漕船未便連年全行減歇誠如

聖諭辦理全漕自當以河運為重將來如何酌量變通輪流減歇以免流弊之處容臣等體察情形會同漕臣詳細熟籌總期有益於

卷一

二十一

京倉無礙於大局仰副

聖主執兩用中之至意所有臣等會議海運章程緣由謹

合詞具奏是否有當伏乞

皇上聖鑒再漕臣楊殿邦尚未旋准不及會銜合併陳明

謹

奏道光二十七年十一月二十六日奉

硃批戶部議奏欽此

奏為明年河海並運請俟本年辦理無誤再行籌議謹
陳管見仰祈
聖鑒事竊惟漕糧固為

天庾正供凡在船丁舵人等以及沿途居民賴以生活者
不下億萬湖查道光六年因河道阻塞不得已而一
試行次年旋即停止如果萬全無弊何以舍此海運
之便而務為河運之勞是海運之諸多窒礙未能確
有把握已可概見近年來河流順軌運道暢行迺論
者因災減過多誣諸幫費將蘇松太三屬漕糧改由

卷一

三

海運奉

旨先行現據各州縣報到收成分數統計仍止七分有零
依然報災則災減之不關乎幫費是其明証查蘇松
太三屬漕糧居全漕四分之一地方果有災歉自應
奏請蠲緩無如各州縣因微不足額遂以報災掩飾習
以為常推原其故各州縣情形不一或紳戶大戶包
攬抗欠或胥役地保包庇侵蝕甚至刁於豪棍把持
挾制種種弊端難以枚舉其良懦鄉民力不能完以
及逃亡故絕無可著追者不過百分之一二果能實
力整頓剔除積弊漕額無難徵足又何必另立籌補

名目也此次辦理情形與道光六年迥異彼時各幫
糧艘未經歸次留於黃河以致接運江廣新漕水手
人等養贍有資今則三十一幫全行減歇失業者不
止在船水手伏維

皇上痼癢在抱軫念黎元現因豫省旱荒內發帑金外籌
商米普行賑恤惟恐一夫失所一旦令萬餘無業遊
民無船可運必至生計孔艱顛連無告及流為匪類
從而繩之以法亦殊可憫且臣以為水手一項在糧
船者安置固屬為難在沙船者招徠尤屬可慮此等
習處海濱罔知

卷一

三

國法本年臣督運北上在天津時親見沙船水手率皆

桀驁不馴訪至內地輿情咸為市井駟僧樂與周旋
販負良民畏其强悍天津為
畿輔重地使羣不逞之徒蟻聚麀熟習北洋沙線其
流弊尤不可勝言臣通盤籌畫海運所費亦未能較
省於河運河運之費仍在內地海運之費散諸外洋
雖沿海人等均隸版圖而該船戶向以貿易海外為
業所販運者不過奇技淫巧非日用所必需其應募
運糧圖得水腳又免稅課以所得內地之贏餘交易
外洋之異物將來必至民膏暗耗銀價日增於

國計民生所關匪細臣為杜漸防微起見不敢存畏難

之念亦不敢存僥倖之心所有明年河海並運如何

輪流減歇之處暫請緩議緣由理合恭摺具

奏伏乞

皇上聖鑒訓示謹

奏道光二十七年十二月初二日奉

硃批大學士軍機大臣會同戶部速議具奏片二件併發

欽此

卷一

二

奏再督撫臣原

漕運總督楊殿邦片

奏內稱蘇松太三屬漕糧改由海運可籌補米三十萬

石等語如果於正額之外另行多籌方為實有加增

今該三屬秋成豐稔徵收仍不足額儻遇荒歉年分

又將何以籌措倉儲支放有常似此年復一年伊於

胡底查海運節省漕項不過旗丁行贈舵水身工至

於修造之費來年仍須開支苦蓋之資此時轉多給

發原議章程以州縣給幫丁者提充沙船水腳等項

之用不下五六萬兩再加以買米籌解計需四十餘

卷一

二十五

萬兩照上屆用項更多將來辦理支絀不知作何措

置本年商米到倉未及半載聞已灰暗不堪支放各

州縣徵收漕糧堆貯多時輾轉撥運不能隨兌隨開

米色不無傷耗又為酒氣所侵易於微變不可不先

事籌慮至沙船偶遇颶風鬆舵拋棄向以砍桅傷人

為憑可以查驗設有未到船隻無從稽考易滋捏飾

臣竊惟

國家大計事期於萬全弊去其太甚若徒以目前小補

輕議更張未有不顧此而失彼者臣愚昧之見是否

有當伏乞

皇上聖明訓示謹

奏道光二十七年十二月初二日奉

硃批覽欽此

卷一

三

漕運總督楊殿邦片

奏再臣訪得沙船裝載貨物駛行洋面每有沿海匪徒包攬護送茲據江蘇藩司李德等詳稱現在洋面情形不及從前恬靖間有盜劫之案等語又查得數月內江浙洋面捐米客貨船隻被盜匪擄劫勒贖各案積有數十起之多並未破獲一起其未經呈報及報而諱飾者更不知凡幾伏思

國家維正之供付諸濱海細民之手雖有武營水師將弁在船統轄彈壓沿途稽察巡防然自上海開行以至天津收口洋面數千餘里風信靡常聲勢甚難連

卷一

三

絡悉聽該船戶遊駛自便即督撫臣悉心籌畫在內河尚恐疎虞在外洋斷無把握萬一意外猝遇海氛其時消彌不解則有損

國威捷伐用張則動糜軍餉統籌大局措置殊難臣職司漕務現值糧務不敷之時更不能不熟思過慮臣言未必盡是臣言亦不無所見謹將近日洋面大概情形附片

奏

聞伏乞

皇上聖鑒謹